

آبونه شرائطی

ممالك عثمانیه ده سنه لکی (۶۵) ، آلی
ایلی (۲۵) غروشدور .
ممالك اجنبیه ده سنه لکی (۱۷) ، آلی
ایلی (۹) فرانقدر .

اداره خانه

باب عالی جاده سنده دائره مخصوصه

اخطارات

آبونه بدلی پشندور .

§

مسلكه موافق آثار مع الممنونیه قبول
اولنور . درج ابدله یں یازیلر اعاده
اولونماز .

المشرق

۱۳۳۰

دینی ، فلسفی ، علمی ، ادبی هفته لقی مجموعه اسلامیه در .
باش محرر
محمد عاكف
صاحب و مدیر مسئول
اشرف ادیب

والله یهدی من یشاء الی صراط مستقیم

اتبعون اهدکم سبیل الرشاد

اخطارات

رساله مزدن آلتدیغی کومسترمک شرطیه
بتون یازیلر ره هانکی برغتمسرفندن
اقتباس اولونه بیاید .

§

مکتوبلرک ، امضالری واضح و اونا قرقلی
اولاسی و آبونه سره نوموسنی محتوی
بولونسی لازمدر .

§

ممالك اجنبیه ایچون آبونه اولانلرک
آدرس لرلرک فرانسزجه ده یازلسی رجا
اولنور .

§

پاره کوندرلدیکی زمان نه یه دائر اولدیغنک
واضحاً بیلدیلمدی رجا اولنور .

عدد ۳۱۸

۲۹ محرم ۱۳۳۳

پنجشنبه

۴ کانون اول ۱۳۳۰

جلد ۱۳

مستحق اولمش اولماسون ، بونلر اكر هيچ برغنيتمه نائل اولمازلرسه
اجر و ثوابلري تام اولارق و بربلر .
حديث شريفك راويى عبد الله بن عمرو بن العاص رضى الله
عنه . مخرجلرى احمد بن حنبل ، مسلم ، ابو داود ، نسائى
وابن ماجه در .

حديث شريف

مثل المجاهد في سبيل الله والله اعلم بمن يجاهد في سبيله كمثل القائم
القائم الخاشع الراكع الساجد

مآل شريف

الله يولنده جهاد ايدن كيمسه - خوش كندى يولنده جهاد
ايدنك كيم ارلدبغنى الله بيليريا ۱ - صائم ، قائم ، خاشع ، راكع ،
ساجد اولان كيمسه به بكنزر .
بوحديث شريفى بخارى ، مسلم . ترمذى ، نسائى ابوهريره رضى الله
عنه دن روايت ايدورلر . بولفظ نسائيك لفظى اولوب ديكر رواياتده :
(كمثل الصائم القائم الدائم الذى لا يفتر من صيام ولا صدقة حتى يرجع
وتوكل الله تعالى للمجاهد في سبيله ان توفاه ان يدخله الجنة او يرجمه
سالمًا مع اجر وغنيمة) زياده سوده واردركه معنای شريفى شودر :

(جهاددن دوتجيه قدر صيام و صدقه دن بر آن فارغ اولمايان صائم قائم
دائمه بكنزر . برده الله تعالى حضرتلري كندى يولنده جهاد ايدن
كيمسه بي ياروحنى قبض ايدرسه جنته ادخال و ياروحنى قبض ايمه ديكي
تقديرده آنى مستحق اجر و غنيمتك تمامنى احسان ايدرك يوردينه
سالمًا اعاده ايتكى تكفل ايتشدرد .)

حديث شريف

من قاتل في سبيل الله فواق [۱] ناقة حرم الله على وجهه النار

مآل شريف

هر الله يولنده دوهنك ايكي صاعيم آرالننى قدر حرب ايدرسه
الله تعالى آنك يوزينى جهنمه حرام ايدر .
بوحديث شريف امام احمد بن حنبلك مسندنده عمرو بن عوفه دن
مروى حديثلردندر .

[۱] فواق ايكي صاعيمك آرالننى اولان وقته دينر . مثلاً ناقة بي بر
مقدار صاعقدن صوكره ترك ايدرلر . ياوروسى بر مقدارجه اموب آدن صوكره
ينه صافار . ايشته بوايكي صاعيمك آرالننى اولان وقته فواق ديرلر .
احمد نعيم

حضرت عمر افنديمك اردو قومانداننه امرنامه خلافتپناهيلرى

عدل و شجاعتى ، صيت و شهرتى دنيا لرى طولدوران حضرت عمر رضى الله عنه
افنديمك طرف خلافتپناهيلردن سردار كتيبة اسلامدن بر ذات محترمه خطاباً
شرف صادر اولان امرنامه جليلك ترجمه منيفه سى در :

« سكا و معيتكده اولان عسكركه هر حاله التزام تقوا ايتمكزى امر
ايدرم . اعدا عليهنده كوريله جك تداركاتك افضل ، حربده كوزمه دييله جك
مكايذك اقواسى ، تقراردر . ينه معيتكده كى عسكركه اعدا كزدين زياده
ارتكاب معاصيدن صاقتمكزى امر ايدرم ، چونكه عسكركه ايچون
معاصى اعدادن ده قورقودور .

بويله اولمدينى صورتده مدار غلبه اوله جق قوتدن محروم اولورز .
عددجه انلره معادل اولمديغمز كى تداركات ولوازا ت جهتيله ده بمائل
دكلز . ارتكاب معاصيده اعدا ايله مساوى اوله جق اولور ايسهك
قوتجه انلرك بزه فائق اولملرى لازمكلير . شو حالده برفضلمزله انلره غلبه
ايدم من ايسهك قوتمزله هيچ ايدم من . محقق بيلمليسكزكه هر زويه
كيتسه كز طرف الهيدن موكل حفظه كرام سزكله برابرده ايشلديككز
ايشلرى بيليرلر . انلردن وعالم السر و الحفيات اولان جناب اللهدن حيا
ايديكز . دشمنه غلبه ايتكى ايتديككز كى نفسكزه غالب كله دن ده
ايتسبكز . بزم و سزك ايچون جناب حقن بو عنايتى استدا ايدرم .
قطع منازل حالده عسكركه رفق ايله معامله ايدرك انلرى اتعاب

ايدمك صورتده يوروتمه . استراحتلرينه مدار اوله جق قوناقلره
اينديرمكده تقيير ايمه ، كه سفر قوتلرينه خلل و يرمامش اولدينى حالده
دشمن قارشوسنه واصل اولسونلر . ممكن اولدقجه هر جمعه كوفى
وكيجه سى عسكرى فراغ حالده طوت كه ديكله نوب تجديد حيات ايدرك
الارنده بولان اسلحه نى تعمير و اصلاح ايتسونلر . عسكرى ارباب صلح
و ذمت قورلرينه صوقيوب آچيقده بولندور . بوقريه لره سنك اعتمادكه
مظهر اولان اصحابكدن بشقه سنى كوندرمه . نزدكده نصيحتده ، صداقته
امينت ايدمكك آدمربولنسون . زيرا شخص كذوب بعضاً طوغر و
سويلسه بيله سنك ايچون نافع اوله ماز . دشمن طوپراغنه ياقلاشنجه
آره كزده قاله جق مسافه ده طليمه لرى چو غالت ، هر طرفه آوجيلرى
ياي ، قره غوللرى ترتيب ايت ، كيجه لرى متيقظ بولمغه چاليش ...
والله المستعان ... »

تاريخ طالده ، حق اوروياده عدالت و متانتله شهرت شمار اولان خليفه مشاراليه
حضرتلرينك شو امر طاليلرى دائره سنده حركتله صلاة خمس مفروضه نى ادايه
همت و ام الحيات اولان مسكراتدن حذر و مجانبت ايدن بر مسلمان اردوسنك
(كم من فئة قليلة غلبت فئة كثيرة باذن الله) نص جليل حكمنجه منصور و مظفر
اوله جنى بى اشتباهدر .

شاكر القادري